



Wees stil en luister...

Skielik was daar 'n baie sterk wind wat die berg stukkend geruk en die rotse gebreek het voor die Here. Maar in die wind was die Here nie. Na die wind was daar 'n aardbewing. Maar in die aardbewing was die Here nie. Na die aardbewing was daar 'n vuur. Maar in die vuur was die Here nie. En na die vuur was daar 'n fluistering in die windstilte. Toe Elia dit hoor, het hy sy gesig met sy mantel toegemaak... Toe hoor hy 'n stem... (1 Konings 19: 11-12, AFR1983)

Dalk is dit die winter se koue vingers wat oor jou wange streel, of die aanhoudende berigte van oorlog en onvrede, of 'n besoek aan 'n bejaarde geliefde in die hospitaal – eensklaps trek jou keel toe en wonder jy: Hoeveel tyd het ek oor? En die introspeksie begin...

Almal van ons verskil. Ons dink anders, ons doen anders. Of nie? Praat almal die heeltid in hul harte met hul Skepper, of nie? Wanneer nostalgie 'n mens al meer na binne laat keer, is dit juis die gesprekke met die Heer wat kalmte en berusting kan bring.

Volgens William Cowper (1731-1800), Britse digter en gesangskrywer, is wysheid 'n pêrel wat die maklikste gevind word in kalm waters en onder 'n helder hemel. 'n Strofe uit een van sy liedere kom by my op:

O for a closer walk with God,
A calm and heavenly frame,
A light to shine upon the road
That leads me to the Lamb! (1769)

Ek lees onlangs dié stelling van 'n bekende Amerikaanse predikant en skrywer: *God sal fluister. Hy sal skree. Hy sal ons aanraak en ons trek.* Skree? Nie vir my nie – in my lewe is dit nie die sterk wind, of die aardbewing, of die vuur nie, maar die fluistering in die windstilte, of, soos die 2020-vertaling sê, die *sagte gesuis*, wat vermaan en lei.

Ons praat so maklik van die vrugte van die Gees: *Maar die vrug van die Gees is: liefde, blydschap, vrede, geduld, vriendelikheid, goedheid, getrouheid, sagmoedigheid, selfbeheersing* (Galasiërs 5:22-23, AFR2020). En kom ons wees maar eerlik: Ons meet onself maklik aan dié uitspraak in die Bybel. Ons sê maklik: Ja, ek gee om vir mense; ek is vriendelik; ek is meestal geduldig; ek is tog nie te sleg nie; ek maak nie oorlog nie; ek doen wat die Bybel van my vra... Regtig?

Tot op 'n dag, miskien juis daar waar jy moontlik vir die laaste keer jou siek geliefde groet. En dan kom die onthou: Ek moes dáárdie dag anders opgetree het, groter begrip getoon het. Ek moes meer dikwels uitgereik het, meer gehelp het... My woorde moes minder gewees het, meer deurdag.

Want so dikwels dink ons hy/sy/hulle ken my mos, weet mos wat my opvatting is, moet my maar aanvaar soos ek is... En so gaan ons onverskrokke voort om te sê, te oordeel, te verwyf. Ongeag hoeveel skade ons wetend en onwetend doen.

Mag ons in hierdie Pinksterdae mooi besin en goed dink voordat ons dinge sê of doen wat ander kan kwets. Mag ons waarlik luister na die sagte gesuis, die sagte vermaning, die fluistering in die stilte...

**Mev Tessa Oppermann
(Rooihuiskraal)**

Om Blitsposte ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed

- Dit gaan beter met **dr Daan (sr) en mev Frieda van Wyk**. Mev Van Wyk is ook uit die hospitaal ontslaan en beide sterk tans tuis aan. Ons vra die Kerk se voorbidding vir hul verswakkende gesondheid.
- Baie geluk aan **prof Jan en mev Anne Barkhuizen** wat op 3 Julie 60 jaar getroud is. Mag julle nog vele gelukkige jare saam spandeer.
- Ons het met leedwese kennis geneem van **mnr Jurie Wessels** se afsterwe op Vrydag, 27 Junie 2025 in die ouderdom van 89 jaar, 11 maande en 26 dae. Hy sou op 8 Julie 2025 90 jaar oud geword het. Mnr Wessels was vanaf 1973 tot 2001 (28 jaar) in diens van die Sinodale Dienssentrum. Gedurende hierdie tydperk het hy saam met drie administrateurs naamlik, mnre Albert Herbst, Leon de Munnik en Kobus Viljoen gewerk.
- **Die volgende predikante verjaar tot 11 Julie 2025, en word hartlik geluk gewens:**
 - Woensdag 2 Julie: Dr MJ (Martin) Jansen van Rensburg (Delmas)
 - Donderdag 3 Julie: Ds PW (Waldo) Pretorius (Ventersdorp)
 - Dinsdag 8 Julie: Ds GJ (Geo) Smit (Potchefstroom-Suid)
 - Donderdag 10 Julie: Dr DJC (Daan) van Wyk (jr) (Van Der Hoff)
 - Vrydag 11 Julie: Ds TL (Theuns) Botha (emeritus)

Prof Jan en mev Anne Barkhuizen

Mnr Jurie Wessels

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedt (karen@nhk.co.za) asseblief **teen 14 Julie** bereik **vir 25 Julie** se Moderamenvergadering. **Geen laat sake** sal in die agenda opgeneem word nie.

Kerklke en ander publikasies



R250

**GESKIEDENIS VAN DIE HERVORMDE KERK
1824-2024**

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)



2017 Gedenkalbum

500 Kerkhereniging

**WAS R300
NOU R100**

Bestel van mev Sarie Roux by boekwinkel@nhk.co.za

Kom kyk saam

Kom kyk gerus saam na 'n ma-en-dogtergeleentheid by Gemeente Pretoria-Oos waar mej Chantel Struwig oor geloof en selfbeeld gesels het. Hierdie 24-jarige dame het nie toegelaat dat 'n geboortevlek haar lewe gaan oorheers nie. Kyk hoe lekker het die dames saamgekuier! Lees gerus ook die artikel oor hierdie formidabele jong dame en die samewerkingsprojek tussen Gemeentes Pretoria-Oos, Swartkop, Centurion-Oos, Philadelphia en Wapadrant [hier](#) op die webblad.

'n Gedig

VONKK 167

Met die breek van hierdie dag
voel ons klein voor U, o Heer.
Diep afhanklik van u krag
val ons op ons knieë neer.
Leer ons bid, Heer, sonder al die vrae –
Vader, wat U wil, is goed.
Help ons net om hierdie dag te dra
met 'n vredevol' gemoed.

Wat die toekoms ons mag bring,
ons is in u Vaderhand.
Met geloof kyk ons vooruit
na 'n toekoms in die land.
Leer ons bid, Heer, sonder al die vrae –
Vader, wat U wil, is goed.
Help ons net om hierdie dag te dra
met 'n vredevol' gemoed.

Heer, ons bid vir elke mens
en ons lewe in die land –
dat U ook by ons regeer;
lei en sterk ons deur u hand.
Leer ons bid, Heer, sonder al die vrae –
Vader, wat U wil, is goed.
Help ons net om hierdie dag te dra
met 'n vredevol' gemoed.

Fondsinsamelings

- **Dis weer basaartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet:
 - 25 Julie Ermelo
 - 26 Julie Wonderboom
 - 2 Augustus Pretoria-Oos
 - 2 Augustus Grimbeekpark
- Sluit op **Saterdag 5 Julie om 15:00** by **Gemeente Randburg** aan vir 'n onvergeetlike middag saam met die ikoniese **Nataniël** by **Hoërskool Randburg**. Kaartjies is [hier](#) via Quicket teen R300 per persoon beskikbaar. Kontak ons vir meer inligting by 011 787 4983, admin@nhk-randburg.co.za of besoek ons webwerf [hier](#).
- Kom kuier saam! **Gemeente Wonderboom** nooi jou hartlik uit na hul basaar op **Saterdag 26 Julie 2025!**
Tyd: 09:00 tot 13:00
Plek: Marjoramlaan 219, Wonderboom

Allerlei lekkernye sal te koop aangebied word! Kry pap-en-kaiings, kerrie-en-rys, *chicken strips* en skyfies/slaai, jaffels, pannekoek asook heerlike warm koffie, tee of cappuccinos en geniet soetgoed soos basaarpoeding en gebak terwyl u tussen die verskeidenheid interessante stalletjies rondstap.

Indien u belangstel om 'n **staanplek vir 'n stalletjie teen R100** te huur, is u welkom om 078 905 0820 te kontak vir besprekings. Ongelukkig mag geen eetgoed verkoop word nie. Laaste dag vir bespreking en betaling is **18 Julie 2025**.

Basaarpret met verskeie pryse op die spel! Daar gaan selfs 'n **hondeskou** wees vir jul hondekinders.

Sien uit om u daar te sien!

	GHOLFDAG 26 Julie 2025 Drakensig Gholfbaan Tyd: 07:00 vir 08:00 Prysuitdeling vind direk na gholf plaas R4 000 per 4-bal 4-bal American Scramble Putjiekoste R1 500	HOLE IN ONE! Wen 'n New Holland TT75-trekker 
Kontak NHKA Kampersrus vir meer besonderhede Kontakbesonderhede: Bertus Myburgh 082 809 3742 Alwyn Grové 072 655 0099		Bankbesonderhede: NHKA Kampersrus Standard Bank Rekeningnommer: 033358346 Takkode: 052758 Verwysing: Naam & Gholf

- **Gemeente Pretoria-Oos** nooi jou hartlik uit na hul **KONKA-konsert** op **1 Augustus 2025** waar **Corlea Botha en Ruhan du Toit** optree. Kaartjies beloop R200 vir volwassenes en R50 per kind onder die ouderdom van 12 jaar. Kontak gerus die kantoor (012 460 8441) vir verdere inligting.
- **Gemeente Hartebeestpoort** (Brits) bied weer dié jaar hul 3de **Bosveld Mtb** op **2 Augustus 2025** aan as 'n fondsinsameling vir die gemeente. Daar is 'n keuse van vyf afstande, naamlik 4 km & 8 km *kiddies ride* 36 km, 91 km en 156 km.
Plek: Brits Vliegveld
Tyd: Begin om 07:00.
 Aanlyn inskrywings kan gedoen word. Dié jaar het ons nog meer waterpunte en Bakkies Botha is ons gas vir die dag. Hy gaan self die 91 km doen.
 Vir **navrae** kontak: Ds Corlien van der Merwe (083 654 8154), Marcel by Hartebeestpoort kerkkantoor (012 252 4315), Mechiel Ras (072 605 1393) of Mias van der Merwe (083 320 2466). Klik [hier](#) vir meer inligting en inskrywings. Gaan kyk gerus wat sê die vorige deelnemers onder *Testimony* (sic) op die webwerf.
- **Gemeente Pretoria-Oos** nooi jou hartlik uit na hul **basaar** wat op **2 Augustus 2025** plaasvind. Bring jou kinders na die jeugarena terwyl jy lekker rondloop en die verskeie stalletjies soos boeke, pannekoek, plante, en die witolifanttafel geniet! Kontak gerus die kantoor (012 460 8441) vir verdere inligting.
- **Gemeente Randburg** nooi u om 'n middag van hemelse musiek saam met met die internasionaal bekroonde sopraan **Amira Willighagen** op **Sondag 3 Augustus om 14:00 by die Hervormde Kerk Randburg** te beleef. Met haar engelstem en indrukwekkende repertoire beloop hierdie uitvoering om jou siel te roer en jou hart met vreugde te vul. Moenie hierdie unieke geleentheid om een van Suid-Afrika se grootste jong talente lewendig te hoor misloop nie. Bring familie en vriende saam vir 'n onvergeetlike musiekmiddag in 'n pragtige en inspirerende omgewing. Kaartjies is [hier](#) via Quicket teen R200 per persoon beskikbaar. Kontak ons vir meer inligting by 011 787 4983, admin@nhk-randburg.co.za of besoek ons webwerf [hier](#).





Lootjies by Kharla: 084 024 3207

Bankbesonderhede:

Standard bank
Kharla Guest
Lopende rekening
Nr: 10167368255

Wenner
word op
1 September 2025
op ons
Facebook-blad
aangekondig.



- **Gemeente Klerksdorp-Suid** hou 'n **Blesbokkompetisie** teen R50 per inskrywing.
 - Eerste prys: 20 kg wors & 20 kg maaltvleis
 - Tweede prys: 10 kg Wors & 10 kg maaltveis
 Die gelukkige trekking vind op **7 September 2025** plaas.
WhatsApp vir Trudie (072 393 5187) vir enige navrae en aankoop van lootjies.

Toerusting

- **Teologie en Filosofiekonferensie 2025:**
 Hiermee word jy hartlik uitgenooi na Akademia se derde jaarlikse Teologie en Filosofie-konferensie aangebied deur die NP van Wyk Louw-sentrum. Die konferensie word hierdie jaar aan die **Konsilie en Geloofsbelydenis van Nicea** toegewy.
Datum: 21 Julie 2025
Tyd: 08:30 tot 16:45
 Formele program volg
Plek: Boerneef, Leriba-kampus, Endstraat 245, Clubview, Centurion
RSVP [hier](#) voor of op **14 Julie**
 Vir enige navrae kontak louisav@akademia.ac.za of danielm@akademia.ac.za



NHKA
Pretoria-Oos

12-13
Augustus 2025


12 Augustus
10:00 (Registrasie)
11:00 (Opening en verwelkoming)

R600
met verversings
enkelssessies gratis (sonder ete)

28 JULIE
met betaling

Konferensie

Nadenke oor die Belydenis van Nicea



Uitnodiging deur
 Die Werkgemeenskap Historiese Teologie (SA)
 in samewerking met die
 Departement Sistematiese en Historiese Teologie
 van die Universiteit van Pretoria

Navrae



PROF WIM DREYER
wimdreyer@nhk.co.za



PROF JOHAN VAN DER MERWE
johan.vdmerwe@up.ac.za



DR CHRISTO PRETORIUS
christo@pretoriafm.co.za



DR ANTONETTE JANSE VAN RENSBURG
antoejvr@gmail.com

- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die Hervormde Teologiese Kollege het 'n **inligtingsblad** geskep oor Nicea wat gemeentes kan help om op hul eie manier Nicea te herdenk. Klik [hier](#) vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde-advertensie in *Blitspos* dop om op hoogte te bly.



Vier Nicaea 1700 jaar later

Die inligtingsblad **Nicaea – 1700 jaar later** bied 'n omvattende oorsig van die geskiedenis, betekenis en teologiese impak van die Geloofsbelydenis van Nicaea. Besoekers kan insigte verkry oor die oorsprong van die belydenis tydens die Konsilie van Nicaea in 325 nC, die rol van Arius en die teologiese konflik rondom die Godheid van Christus, asook die latere bevestiging van die belydenis in 381 nC by die Konsilie van Konstantinopel.

Die blad bevat ook die volledige teks van die Geloofsbelydenis van Nicaea, 'n inskrywingsblad vir verdere betrokkenheid, en afdelings oor sistematiese teologie en kerkvergaderings wat die konteks en invloed van hierdie historiese gebeurtenis verder vir laerskole, hoërskole, kerkrade, predikante en konferensies uitlig. Daar is ook videos, akademiese en ander publikasies, sosiale media plasings en 'n tydlyn beskikbaar.

Besoek die Nicaea-inligtingsblad [hier](#)

Barmhartigheid

- **NHSV Fokus – Jeugwerk:** Dit is elke jongmens se droom om sy/haar lewe ten volle te leef en sy/haar potensiaal maksimaal te ontwikkel. In vandag se tye is dit egter nie maklik om dit reg te kry nie. Universiteite en naskoolse opleidingsentra bied 'n groot verskeidenheid opleidingsgeleenthede aan, maar dit is baie duur. Gelukkig is die NHSV daar om studente van die NHKA te help in hierdie moeilike tye. Die **NHSV se Studieleningsfonds** stel jaarliks geld beskikbaar vir studente wat kwalifiseer om hulle te help met van hul uitgawes vir tersiêre studies. Leninghouers begin eers die studielenings terugbetaal ná voltooiing van die studies. Alle terugbetalings van studielenings word weer gebruik om ander studente te befonds. Gebruik hierdie geleentheid wat die NHSV jou bied om jou drome te bewaarheid! Kontak ons asseblief per e-pos (admin@nhsv.org.za) vir **meer besonderhede en aansoekvorms**.



12 Augustus 2025
Silver Lakes Golfbaan
TEN BATE VAN KINDERBESKERMING

- Skryf 'n vierbal in vir R5 200
2 gholfkaretjies, halfwegete en aandete ingesluit
- Borg 'n putjie vir slegs R2 200 – middagetes ingesluit
Vierbal plus putjeborg vir slegs R6 800

DRIVE FOR A CHILD 064 437 5997 info@rata.org.za www.driveforachild.co.za

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.

- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deekamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrief

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrief geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Liewe Heer,
Vandag wil ek U vra om my hand vas te hou.
Ek weet U is met ons in goeie en in slegte tye,
maar soms raak ons bang.
Help ons dat ons sal besef dit is nie nodig om bang te wees nie.
U is met ons! Elke oomblik van ons lewe.
U gee ons krag en U sal ons nie op paaie lei waarvoor ons nie gereed is nie.
Here help my om my oë op U gerig te hou
wanneer dit voel of ek nie saam met U op die water kan loop nie.
Hou asseblief my hand vas as dit voel asof ek begin sink
en herinner my dat ek u kind is
wat tot enigiets in staat is met die krag wat U my gee.

Amen.

